

## UPUTSTVO ZA UPOTREBU

### ISOMAR dekonjestivni sprej

**ISOMAR dekonjestivni sprej** je hipertonični rastvor na bazi čiste morske vode koja je posebno proučavana kao prirodni dekonjestiv nosa. Hipertonični rastvor morske vode se uzima iz Cinque Terre (Ligurija, Italija). Hipertonični rastvor morske vode oslobađa nos od viška sekreta mehanizmom osmoze, ne stvara ovisnost, ne oštećuje tkivo te se može koristiti čak i tokom trudnoće.

### NAMJENA

**ISOMAR dekonjestivni sprej** je prikladan za sljedeće: razrjeđivanje sekreta u nosu i bolje čišćenje sekreta iz nosa te smanjenje otoka sluznice gornjih disajnih puteva; uklanjanje nataloženog sekreta iz nazalnih puteva kod prehlade i alergijskog rinitisa; ublažavanje simptoma sinusitisa i rino-sinusitisa; temeljito čišćenje nazalne šupljine od polena, prašine i smoga.

### UPUTSTVO ZA PRIMJENU

Raspršiti sprej 2-3 puta u svaku nosnicu, najviše tri puta dnevno, ostaviti da rastvor djeluje par sekundi i ispuhati nos. Ne koristiti duže od dvije sedmice. Ne prekoračivati preporučenu dozu.



U slučaju posebno upornog rinitisa, nastaviti upotrebu **ISOMAR spreja za dnevnu higijenu** još dvije sedmice. Ukoliko ne dođe do poboljšanja, posavjetovati se sa ljekarom. Ne koristiti kod beba koje imaju manje od godinu dana. Nakon upotrebe **ISOMAR dekonjestivnog spreja**, skinuti aplikator, oprati vodom i osušiti. ISOMAR sprej se može koristiti i u vertikalnom i u horizontalnom položaju kako bi ispiranje nosa kod odraslih i djece bilo još lakše i temeljitije.

**VERTIKALNI POLOŽAJ:** upotreba spreja u vertikalnom položaju omogućava bolji doseg svih žlijebova nosne pregrade te kompletno i brže čišćenje.

**HORIZONTALNI POLOŽAJ:** kod djece starije od 12 mjeseci, sprej primijeniti u horizontalnom položaju.

### SASTAV

Hipertonična morska voda (prirodna koncentracija soli morske vode iznosi približno 3%). Inertni potisni gas: azot. Ne sadrži konzervanse niti boje.

### KONTRAINDIKACIJE

Ne upotrebljavati **ISOMAR dekonjestivni sprej** kod djece mlađe od 12 mjeseci. Ne upotrebljavati u slučaju krvarenja iz nosa.

### UPOZORENJA

Spremnik je pod pritiskom, može eksplodirati ako se pregrije. Čuvati dalje od izvora toplote, vrućih površina, varnica, otvorenog plamena i drugih zapaljivih izvora. Zabranjeno pušenje. Ne bušiti niti spaljivati, ni nakon upotrebe. Zaštititi od sunčevih zraka. Ne izlagati temperaturi višoj od 50°C. Ne koristiti istovremeno s drugim proizvodima za lokalnu primjenu. Čuvati van domašaja djece. Proizvod koristiti samo za predviđenu namjenu. Proizvod se može koristiti kod djece starije od 12 mjeseci, a primjenjivati ga mora odrasla osoba. Ako se ne očuva cjelovitost proizvoda, može doći do izmjene funkcionalnih karakteristika. Ne koristiti poslije isteka roka trajanja. Čuvati na temperaturi između 5°C i 25°C. U nekim slučajevima, proizvod može izazvati blagu iritaciju.

#### **PAKOVANJE**

Sprej sa hipertoničnim rastvorom morske vode za dekongestiju, 50 ml, u kartonskoj kutiji sa priloženim uputstvom za upotrebu.

#### **ROK TRAJANJA**

5 godina

**Proizvođač:** COSWELL SPA, Via Gobetti 4, 40050 Funo di Argelato, Italija

**Nosilac odobrenja:** Amsal Pharmaceuticals d.o.o. Sarajevo, Igmanska 38, 71320 Vogošća

Broj rješenja o upisu u Registar medicinskih sredstava: 06-07.4-1-3793-3/19